



Akraneskaupstaður

Faxaflóahafnir sf.
Tryggvagötu 17
101 Reykjavík


Akranesi, 10. október 2014
1409230 SDA/gjó

Efni: Starfshópur um Breið

Á fundi bæjarráðs Akraness, sem haldinn var þann 2. október 2014, var fjallað um drög að erindisbréfi Akraneskaupstaðar fyrir starfshóp um skipulag á Breiðarsvæði.

Bæjarráð samþykkti erindisbréfið með fyrirvara um staðfestingu bæjarstjórnar í samræmi við framangreint en þess er óskað að Faxaflóahafnir tilnefni fulltrúa í hópinn.

Fyrir hönd Akraneskaupstaðar,



A handwritten signature in blue ink, appearing to read "Steinar Dagur Adolfsson". It is written over a blue line that extends from the left side of the page towards the signature itself.

Steinar Dagur Adolfsson,
framkvæmdastjóri

Afrit: Erindisbréf



ERINDISBRÉF STARFSHÓPS FYRIR SKIPULAG Á BREIÐARSVÆÐI

Ábyrgðaraðili:

Bæjarstjóri í umboði bæjarráðs.

Á fundi sínum þann 11.9.2014 samþykkti bæjarráð Akraneskaupstaðar eftirfarandi bókun:

„Bæjarráð samþykkir að skipa starfshóp til að móta tillögur um hvernig staðið verður að skipulagi á svokölluðu Breiðarsvæði sem markast af línu sem dregin er úr Lambhúsasundi eftir Bakkatúni Vesturgötu, Bárugötu, Hafnarbraut, Akursbraut, Faxabraut og þaðan til sjávar fram yfir litlu bryggju og stóru bryggju. Syðri mörk svæðisins afmarkast af lóðamörkum Breiðargötu 1A, 1 og 2C og í sjó fram. Norðanverð mörk markast af Breiðargötu 1A, 1 og 2C og í sjó fram og að sunnan af sjónum. Sjá nánar meðfylgjandi uppdrætti.“

Kostnaður vegna starfshóps fyrir starfsárið 2014 verður lagður fram í viðauka við fjárhagsáætlun 2014, en gert verður ráð fyrir framlagi til starfshópsins, nefndarlaunum og aðkeyptri þjónustu í fjárhagsáætlun ársins 2015.

Markmið með stofnun starfshóps:

Að mótað verði heildarskipulag á Breiðarsvæðinu sem tryggir uppbyggingu og framtíðarnýtingu þess. Í skipulagi verði gert ráð fyrir tengslum Breiðarsvæðis við höfnina og útivistarsvæði sem er syðst á Breiðinni. Horft verði til víðtækari landnotkunarmöguleika en nú eru á svæðinu þ.m.t. íbúðabyggð.

Hlutverk:

Meginverkefni starfshóps verður eftirfarandi:

- Að leiða vinnu um mótnu á skipulagi á svokölluðu „Breiðarsvæði“.
- Að leiða samráðsferli við íbúa og aðra hagsmunaaðila.
- Að móta tillögur um hvernig best er að standa að uppbyggingu svæðisins til lengri tíma.



Lokaafurð:

- Tillaga til skipulags-og umhverfisnefndar og bæjarstjórnar að breyttu aðal- og deiliskipulagi fyrir 01.05.2015.
- Tillögur til bæjarráðs og bæjarstjórnar um uppbyggingu svæðisins til lengri tíma litið, verða unnar samhliða skipulagsbreytingum og skilast inn 01.08.2015.

Verklag:

- Starfshópur skal funda að jafnaði á tveggja vikna fresti.
- Greitt verður fyrir fundarsetu skv. reglum bæjarfélagsins þar að lútandi.
- Starfshópur skal skrá í fundargerðir um öll þau atrið og ákvarðanir sem skipta kunna máli í tenglsum við störf hans. Fundargerðir starfshóps skulu sendar bæjarráði og skipulags- og umhverfisnefnd.

Fulltrúar í starfshóp:

Bæjarráð hefur skipað eftirtalda aðila í starfshópinn:

1. Einar Brandsson, formaður
2. Guðmundur Páll Jónsson
3. Guðmundur Þór Valsson
4. Áheyrnarfulltrúi frá Faxaflóahöfnum

Starfsmenn starfshóps:

Með starfshópnum skulu starfa Sigurður Páll Harðarson framkvæmdastjóri umhverfis- og framkvæmdarsviðs og Hildur Bjarnadóttir skipulags- og byggingarfulltrúi.

Ennfremur getur starfshópurinn kallað til þá sérfræðinga sem hann telur nauðsynlegan í samráði við bæjarstjóra hverju sinni ef um fjárútlát er að ræða.

Samþykkt í bæjarráði þann 02.10.2014.

Regína Ásvaldsdóttir,

bæjarstjóri